



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CLXXVII. Confirmatio quorundam Decretorum Definitorii Gen. Ord. Min.
Conventualium.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

nes Matthæus humiliter supplicari fecit, ut sibi in præmissis opportune providere, & ut infra indulgere de benignitate Apostolica dignaremur.

§. 2. Nos igitur ipsum Joannem Matthæum specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes & absolutum fore censentes hujusmodi supplicationibus inclinati, de venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum qui dilectorum filiorum focii, & Vice-Procuratoris Generalis ipsius Congregationis Silvestrinorum relationem, & a prædicto Joanne Matthæo narrata attenderunt consilio, primum Decretum a Dieta Generali editum, & gratiam Abbatie titularis a memorato Joanne Matthæo reportatam, ut præfertur, auctoritate Apostolica tenore præsentium confirmamus, & respectivo sanamus, illisque Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervererint supplemus, salva tamen semper in præmissis auctoritate memoratæ Congregationis Cardinalium.

Confirmatio recentis Decreti.

Clausula.

§. 3. Decernentes easdem præsentibus literas firmas, validas, & efficaces existere, & fore, suosque plenarios, & integros effectus sortiri, & obtinere, & dicto Joanni Matthæo in omnibus, & per omnia plenissime suffragari. Sicque in præmissis per quoscumque Judices Ordinarios, & Delegates, etiam Causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Congregationis Silvestrinorum, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die VI. Maji MDCCXX. Pontificatus Nostri Anno Vigesimo.

CLXXVII.

Confirmantur quedam Decreta Diffinitorii Gen. Ordinis Min. Conventualium.

Alex. VIII. Const. ed. 1690., April. 5. P. 1. confirmata suere quadam Decreta Capituli Gen. Et hujus Pontificis Const. ed. 1720. Jul. 12. P. 20. est prohibitio extrahendi libros ex Bibliotheca Urbinaten.

Dat. 7. Maji 1720. An. 20.

CLEMENS PAPA XI.

Ad futuram rei memoriam.

Exordium.

EX injuncti Nobis divinitus Pastoralis officii debito illa, quæ pro felici eorum, qui Altissimi obsequiis sub suavi vitæ Religiosæ jugo mancipati sunt, regimine, & gubernio provide prudenterque facta esse noscuntur, ut firma semper, atque inviolata persistant, libenter cum id a Nobis petitur Apostolici muniminis nostri præsidio roboramus.

§. 1. Exponi siquidem Nobis nuper fecit dile-

ctus filius Carolus Jacobus Romilli Minister Generalis Ordinis Fratrum Minorum S. Francisci Conventualium nuncupatorum, quod in Diffinitorio Generali dicti Ordinis in alma Urbe nostra die 27. Mensis Maji anni proxime præteriti congregato ad Divini cultus incrementum, & Religiosorum Ordinis hujusmodi, tam ad regulæ observantia, quam in literis progressionem edita, & facta fuerunt nonnulla Decreta tenoris, qui sequitur, videlicet.

Decreta Venerabilis Diffinitorii Generalis Fratrum Minorum Conventualium S. Francisci, Romæ Die 27. Maji Anno 1719. congregati.

I.

Sacra Minorum Conventualium Religio Beatissimæ Virginis Conceptionem singularibus devotionis officiis a suis primordiis quovis tempore profecuta est. Quamobrem Majorum suorum semitis inhærendo, Decrevit Ven. Diffinitorium eandem Beatam Virginem sub titulo Immaculatæ Conceptionis in Patronam Principalem sibi assumere: firmissimam ex eo spem concipiens, futurum ut in Ordine nostro erga eandem Deiparam, ejusdemque Immaculatæ Conceptionis Mysterium, pietas, & Religio in dies fervescat, & augeatur.

II.

Cum satis compertum sit non levia sequi incommoda, & Jura Ministrorum Provincialium confundi, & perturbari, si quandoque in Transfiliationibus contingat aliquem prius acceptari in filium Conventus, quam Provinciæ; hac de causa sub pœna nullitatis præcipitur, ut in hujusmodi transfiliationibus (etiamsi utraque aggregatio spectaret ad Diffinitorium Provinciale) hic ordo omnino servetur; Præmissis literis de jure præmittendis, prius Provinciæ, deinde Conventui coaptetur.

III.

Pietati, & maxime Religioso consentaneum est, eos, qui vel Religioni toti, vel Provinciis præferunt, quique non pro se ipsis dumtaxat, sed pro aliis quoque teneantur Deo rationem reddere, uberioribus suffragiis cum ex hac vita decesserint adjuvari. Statuitur ergo, ut pro Exgeneralibus, & Exprovincialibus in Religione obeuntibus in singulis Conventibus totius Ordinis una Missa cantetur, singuli Sacerdotes semel Missæ sacrificium offerant, Clerici semel Officium Defunctorum, Laici vero semel Coronam Beatæ Mariæ Virginis devote recitent. Pro Exprovincialibus, salvis manentibus suffragiis per Constitutiones Urbanas, statutis in singulis Conventibus Provinciæ, duæ aliæ Missæ cantentur. Pro Exprocuratoribus Generalibus, aliisque Assistentibus Ordinis Missa una cantetur in qualibet Provincia in Conventu designando a Ministro Provinciali juxta Ordinem Custodiarum, & Conventuum.

IV.

Stricte præcipiunt nostræ Constitutiones Urbanæ, ut nemo ad Ordinem recipiatur, nisi prævia diligentissima perquisitione de uniuscujusque natalibus, de corporis habitudine, de moribus, & vita antea. Quæ perquisitiones cum non semel probatæ sint deceptionibus obnoxie, si illorum Provincialium, ex quorum finibus recipiendi ortum trahunt, informatio, & votum negligatur; ideo mandat Ministris Provincialibus quarumcumque Provinciarum, ne imposterum audeant externos ad habitum Religionismittere, nisi præhabitis informatione, & consensu Provincialium, ad quos spectat, sub pœnis statutis, & expressis in Decreto Alexandri VIII. quod incipit Provinciales quarumcumque Provinciarum, & aliis pœnis Ministri Generalis arbitrio reservatis.

Decretorum anno 1719. editorum scopus.

Patrona præcipua B. M. V. Immaculatæ Conceptionis.

Ratio faciendæ Transfiliationis.

Sacrificia, & preces pro mortuis Præfatis.

Qui ad Religionem admittendi.

V.

Conversi careant jure suffragii.

V.
Quamquam in Constitutionibus nostris Fratribus quoque Laicis, seu Conversis Jus suffragii in quibusdam actionibus concedatur, tamen quia, ut experimento compertum est, ex hujusmodi Conversorum suffragiis acta publica ut plurimum vel impediuntur, vel perturbantur, cum ut plurimum deteriorem sequentes, ab optimorum sententia discedant; hac de re statuitur, ut nullus Conversorum, qui actu in Religione reperiuntur in actionibus publicis, vel privatis suffragium ferat, nisi in ætate habeat annos quadraginta, & in professione regulari quindecim; qui verò post hoc Decretum ad habitum Religionis admittentur, omnino careant jure suffragii.

Qui Lectores Morales ad gradum promovendi.

V I.
Cum non parum utilitatis a lecturæ moralis exercitio oriri probatum sit, censuit Vener. Diffinitorium confirmandum esse Decretum super hoc emanatum in Capitulis Generalibus celebratis annis 1707., & 1713., quod incipit *Cum in dies*, hac tamen limitatione, ut lectura Moralis ad Paternitatis Provinciam gradum non perducatur, nisi qui prius Regentes primæ Classis fuerint: ne si sola lectura moralis ad paternitatem Provinciam assequendam sufficiat, cum non levi Religionis detrimento, laboriosa cæterarum facultatum studia negligantur.

Approbantur 9 Decreta Diffinitorii 1713. celebrati.

V I I.
Postremo cum Decreta Diffinitorii Generalis in Urbe congregati anno 1713. non nisi ad sexennium fuerint a Sanctissimo Domino Nostro confirmata, quæsitum fuit, an essent iterum approbanda. Quibus Ven. Diffinitorium respondit; I. De Confessionibus Novitiorum audiendis non ab ipsorum Magistro, ut vitentur conscientiarum pericula, sed ab alio Religioso spectatæ vitæ ad id muneris seligendo. III. In quone Conventus gravetur, decernitur, ut non culibet Diffinitori perpetuo proprius Laicus assignetur pro socio, sed unus Frater Laicus inserviat saltem duobus Patribus. V. De Præfectis in Gymnasiis, & Collegiis pro majori studentium profectu destinandis. VIII. De lecturæ secundi Seminarii Regentibus diligentioribus secundo triennio pro secunda, & tertio triennio pro prima classe judicio Diffinitorii Generalis concedenda. X. De Seminariis pro faciliiori Adolescentium profectu ad pauciores numerum reducendis. XI. De non promovendis ad Paternitatem alicujus Conventus, nisi prius ab Episcopo Diocesano fuerint ad confessionem admissi. XII. De subsidiis præstandis Sac. Conventui Assisienti: Hæc omnia Venerabile Diffinitorium respondit esse approbanda, juxta eorum seriem, & tenorem, prout re ipsa approbavit. II. Vero de suffragio a Conversis in electionibus non ferendo nisi in ætate habeat annos quadraginta, & in Professione Regulari quindecim, approbavit, sed ulterius statuit, quod Conversi imposterum ad habitum admittendi, omnino careant jure suffragandi, prout n. 5. Quintum de lecturæ morali in ordine promovenda, pariter confirmavit, sed hac limitatione, ut ad paternitatis gradum non perducatur, nisi qui prius Regentes primæ Classis fuerint, prout n. 6. Sextum tandem, septimum, & nonum, in quibus de methodo studiorum de concursu, & examine studentium Baccalaureorum, & numero Collegialium agitur, censuit Ven. Diffinitorium esse totaliter committenda, prout de jure in sacris Constitutionibus Urbani prudentiæ, & arbitrio Reverendissimi Fratris Ministri Generalis, qui pro locorum & temporum varietate, id pro studiorum incremento statuet, quod magis in Domino expedire videbitur.

Preces Ministri Gen.

§. 2. Cum autem sicut eadem expositio subjungebat, dictus Carolus Jacobus Minister Generalis Decreta hujusmodi, quo firmius subsistant, & serventur exactius, Apostolicæ confirmationis nostræ patrocínio communi plurimum desideret.

Nos specialem ipsi Carolo Jacobo Ministro Generali gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innotatus existit ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium præpositorum, qui relationem dilecti filii nostri Josephi ejusdem Sanctæ Romanæ Ecclesiæ Cardinalis Vallemanni nuncupati dicti Ordinis apud Nos, & Sedem Apostolicam Protectoris, & alteram dilecti filii moderni Procuratoris Generalis Ordinis hujusmodi, atque documenta exhibita mature perpenderunt consilio, Decreta præinserta, nono dumtaxat excepto, confirmando usque ad proxime futurum Capitulum Generale Ordinis prædicti, ac in proxime venturo generali Diffinitorio iterum ad trutinam reducendo, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robor adjicimus, ac omnes, & singulos juris & facti defectus, si qui desuper quomodolibet intervenerint supplementis, salva tamen semper in præmissis auctoritate Congregationis eorumdem Cardinalium.

Confirmatio relatorum Decretorum, nono excepto iterum ad examen revocando.

Clausula.

§. 3. Decernentes præinserta Decreta, ac eadem præsentibus literis firma, valida, & efficacia existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quancumque spectabit in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, ac quatenus opus sit dicti Ordinis, ejusque Provinciarum, & Conventuum quorumvis, aliisque quibusvis, etiam juramento, confirmatione Apostolica, vel quavis firmitate alia roboratis, Statutis, & Consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique locorum tam in Judicio, quam extra illud habeatur, quæ ipsi præsentibus haberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die VII. Maji MDCCXX. Pontificatus nostri Anno Vigesimo.

Confirmantur quædam Decreta Capituli Gen. Congregationis S. Bernardi in Hispania de Lectoribus & Concionatoribus.

CLXXVIII.

Const. ed. 1719. Apr. 3. P. 19. extat decretum de electione Superiorum singulis sexenniis. Et Bened. XIII. Const. ed. 1728. Dec. 20. P. 5. agitur de distributione Officiorum in Congregatione Cisterciens. Castellæ.

CLE-